

ხელშეკრულება სახელმწიფო შესყიდვების შესახებ № 269 სპ
(CPV-79800000)

ქ. თბილისი

„10“ დეკემბერი 2014 წელი

ერთის მხრივ, საქართველოს ეროვნული არქივი, შემდგომში „შემსყიდველი“, წარმოდგენილი გენერალური დირექტორის მოადგილის სოფიო ლონდარიძის სახით, და მეორეს მხრივ, სსიპ „საქართველოს საკანონმდებლო მაცნე“-ს თავმჯდომარის გიორგი პატარიძის სახით, შემდგომში „მიმწოდებელი“, ვდებთ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) „სახელმწიფო შესყიდვების შესახებ“ საქართველოს კანონის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „შემსყიდველი ორგანიზაცია“ (შემდგომ – „შემსყიდველი“) ნიშნავს ორგანიზაციას, რომელიც ახორციელებს შესყიდვას;

1.3. „მიმწოდებელი“ ნიშნავს იურიდიულ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;

1.4. ხელშეკრულების ღირებულება ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.5. „ვებგვერდი“ - (შემდგომ – www.matsne.gov.ge) ნიშნავს საქართველოს საკანონმდებლო მაცნეს ოფიციალურ ვებგვერდს, რომლის მეშვეობითაც შემსყიდველი ორგანიზაცია ღებულობს მომსახურებას.

2. ხელშეკრულების საგანი

2.1 „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ა“ ქვეპუნქტის შესაბამისად, შემსყიდველმა გააფორმა ხელშეკრულება მიმწოდებელთან გამარტივებული შესყიდვის საშუალებით, „საქართველოს ზოგად ადმინისტრაციულ კოდექსის“ 49-ე მუხლით გათვალისწინებული ანგარიშის გამოქვეყნების შესყიდვაზე „საქართველოს საკანონმდებლო მაცნე“ ვებ გვერდზე. შემდგომში მომსახურება, და მიმწოდებელი იღებს ვალდებულებას მიაწოდოს შემსყიდველს აღნიშნული მომსახურება წინამდებარე ხელშეკრულების პირობების შესაბამისად.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს: 60 (სამოცი) ლარს.

3.2. ანგარიშსწორება განხორციელდება ფაქტიურად გამოქვეყნებული ანგარიშის გვერდების რაოდენობის შესაბამისად.

3.3. ხელშეკრულების ფასი შეიცავს მიმწოდებლის ყველა ხარჯს, დაკავშირებულს მომსახურების მიწოდებასთან, მათ შორის კანონმდებლობით დადგენილ ყველა გადასახადს, მოსაკრებელს.

3.4. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. შესყიდვის ობიექტის მახასიათებლები

4.1. საქართველოს იუსტიციის მინისტრის 2010 წლის 6 დეკემბრის №225 ბრძანების საფუძველზე გამოქვეყნების საფასური შეადგენს:

ა) ერთი გვერდიდან 10 გვერდის ჩათვლით – თითოეული გვერდის გამოქვეყნებისთვის 20 (ოცი) ლარს;

ბ) 11 გვერდიდან 50 გვერდის ჩათვლით – თითოეული გვერდის გამოქვეყნებისთვის 15 (თხუთმეტი) ლარს;

გ) 50 გვერდზე მეტი – თითოეული გვერდის გამოქვეყნებისთვის 10 (ათი) ლარს.

გვერდების რაოდენობა იანგარიშება გამოსაქვეყნებლად წარმოდგენილი დოკუმენტის თითოეული გვერდის მიხედვით, არასრული გვერდი ჩაითვლება ერთ გვერდად.

5. მომსახურების შესაბამისობა

5.1. ხელშეკრულების მეორე მუხლით გათვალისწინებული მომსახურება უნდა შეესაბამებოდეს მსგავსი მომსახურებისათვის უკვე არსებულ სტანდარტებსა და შემსყიდველი ორგანიზაციის მოთხოვნებს.

5.2. წარმოდგენილი ინფორმაცია გამოქვეყნების მომართვით წარმოდგენილი უნდა ელექტრონული (Sylfaen) და დედნის სახით.

6. მომსახურების მიწოდების პირობები და ვადები

6.1. გამოქვეყნების ვადები და პირობები განისაზღვრება „საქართველოს ზოგად ადმინისტრაციულ კოდექსის“ 49-ე მუხლით შესაბამისად.

6.2. მომსახურების მიწოდება განხორციელდება ვებგვერდზე (www.matsne.gov.ge).

7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება დასტურდება ვებ გვერდზე ანგარიშის გამოქვეყნებით და წინამდებარე ხელშეკრულების 16.1 პუნქტით განსაზღვრული ხელშეკრულების შესრულების კონტროლის განმახორციელებელი პირი საქართველოს ეროვნული არქივის ესე დოკუმენტების ინფორმაციის და გამოყენების განყოფილების უფროსის გიორგი სოფრომაძის მიერ შედგენილი ინსპექტირების აქტის საფუძველზე, რაზეც გაფორმდება შესაბამისი მიღება-ჩაბარების აქტი ეგზემპლარად.

8. ანგარიშსწორების პირობები

8.1. ანგარიშსწორების ფორმა - უნაღდო ანგარიშსწორება წარმოებს ლარებში.

8.2. ანგარიშსწორება იწარმოებს მომსახურების შესაბამისი მიღება-ჩაბარების აქტისა და ფინანსური დოკუმენტაციის (ინვოისი) საფუძველზე, წარმოდგენიდან არა უგვიანეს 2014 წლის 31 დეკემბრისა.

9. მხარეთა ვალდებულებები

9.1 მიმწოდებელი ვალდებულია:

9.1.1. უზრუნველყოს შემსყიდველის მიერ წარმოდგენილი ანგარიშის გამოქვეყნება ვებგვერდზე.

9.1.3. უზრუნველყოს მიწოდებულ მომსახურებაზე გამოვლენილი დეფექტებისა და ნაკლოვანების აღმოფხვრა საკუთარი ხარჯით.

9.2 შემსყიდველი ვალდებულია:

9.2.1. იხემდვანელოს „საქართველოს ზოგად ადმინისტრაციულ კოდექსის“ მოთხოვნათა სრული დაცვით.

9.2.2. წარმოადგინოს ანგარიში ელექტრონული (WORD, შრიფტით „Sylfaen“, არანაკლებ 11 ზომისა) და ბეჭდური დედნის სახით.

9.2.3. უზრუნველყოს „მიმწოდებლის“ დაფინანსება ხელშეკრულების პირობების შესაბამისად.

9.2.4. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების აღებული ვალდებულებების შესრულებასთან.

10. მხარეთა უფლებები

10.1. „მიმწოდებელს“ უფლება აქვს:

10.1.1. შემსყიდველს მოსთხოვოს ხელშეკრულებით აღებული ვალდებულებების ჯეროვანი შესრულება.

10.1.2. ხელშეკრულების ფარგლებში მოითხოვოს დროული და სრული დაფინანსება.

10.2. „შემსყიდველს“ უფლება აქვს:

10.2.1. აწარმოოს გაწეული მომსახურების კონტროლი და ხარვეზის აღმოჩენის შემთხვევაში დაუყოვნებლივ მიაწოდოს ინფორმაცია მიმწოდებელს, მისი აღმოფხვრის მიზნით.

11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2. ამ ხელშეკრულების მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საბიუჯეტო ასიგნების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

12. ხელშეკრულების პირობების გადასინჯვა

12.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით გაუგზავნოს მეორე მხარეს შესაბამისი დამატებითი შეთანხმება ხელშეკრულებაში ცვლილების თაობაზე.

12.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

13. სადგაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება, რომელიც წარმოიქმნება ხელშეკრულების პირობების შესრულებასთან დაკავშირებით.

13.2. ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

14 ხელშეკრულების შესრულების შეფერხება

14.1. თუ ხელშეკრულების შესრულების პროცესში ერთ-ერთი მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევის მიზეზების შესახებ.

15. ხელშეკრულების პირობების შეუსრულებლობა

15.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში მხარეებს მათი მოთხოვნის შემთხვევაში ეკისრებათ პირგასამტეხლო ყოველ გადაცილებულ დღეზე გაანგარიშებით შეუსრულებელი ვალდებულების ღირებულების 0.07%-ის ოდენობით.

15.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

15.3. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს მსარეებს უფლება აქვთ შეწყვიტონ ხელშეკრულება.

16. ინსპექტირების პირობები

16.1. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესყიდული მომსახურეობის ინსპექტირება. ინსპექტირებას განახორციელებს შემსყიდველი უწყების უფლებამოსილი პირი, რომელიც არ იმყოფება მიმწოდებელთან ინტერესთა კონფლიქტში.

17. ხელშეკრულების მოქმედების ვადა

17.1. წინამდებარე ხელშეკრულება ძალაში ხელშეკრულებაში მითითებული თარიღიდან და მოქმედებს 2015 წლის 31 იანვრის ჩათვლით, მხარეთა მიერ აღებული (წარმოშობილი) ვალდებულებების სრულად შესრულებამდე.

18. განსაკუთრებული პირობები

18.1. ხელშეკრულება შეიძლება შეწყდეს ვადაზე ადრე მხარეთა შეთანხმებით ან მოქმედი კანონმდებლობით გათვალისწინებულ შემთხვევებში.

18.2. ხელშეკრულება შედგენილია 3 ეგზემპლარად და თითოეულ მათგანს აქვს თანაბარი იურიდიული ძალა.

18.3. ხელშეკრულების ერთ ეგზემპლარი ინახება „მიმწოდებელთან“, ორი - „შემსყიდველთან“.

„შემსყიდველი“

„მიმწოდებელი“

საქართველოს როვნული არქივი:
მისამართი: ქ.თბილისი, ვაჟა-ფშაველას
#1

ტელ: 238 14 25

საბანკო რეკვიზიტები: ანგ.#200122900

საბანკო რეკვიზიტები: ანგ.კოდი:220101222

საბანკო რეკვიზიტები: ანგ.კოდი:211358957

სსიპ საქართველოს საკანონმდებლო მაცნე,
საიდენტიფიკაციო კოდი: 203862622

მისამართი: ქ.თბილისი, ი.აბაშიძის ქ.#68.

ტელეფონი: 2 94 16 45,

საბანკო რეკვიზიტები: სს პრივატბანკი

ბანკის კოდი: CAVOGE22

ა/ა GE26TP0034020020000306 (ZEL)

